

Фикҳ дарслари (151-дарс) Азон ва иқома орасидаги дуо рад қилинмайди



17:00 / 26.08.2021 5027

م ل س و ه ي ل ع ه ل ل ا ي ل ص ه ل ل ا ل و س ر ل ا ق ؛ ل ا ق و ن ع ه ل ل ا ي ص ر س ن ا ن ع
ن ن س ل ا ب ا خ ص ا ه ا و ر . « ة م ا ق ا ل ا و ن ا د ا ل ا ن ي ب د ر ي ا ل ا ع د ل ا »

Анас розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Азон ва иқома орасидаги дуо рад қилинмас», дедилар».

«Сунан» соҳиблари ривоят қилишган.

Ушбу вақт дуо тўсиқсиз қабул қилинадиган вақтлардан биридир, чунки бу вақт шарафли вақтдир. Шунинг учун ҳам азон билан иқоманинг орасида

чин қалбдан, қабул бўлишига тўла ишониб, шартларини келтириб дуо қилиш лозим.

بِحُسنِ الْمَلِئِكَةِ فِي رُزْيَرِهِ بِأَعْمَانِكُ؛ لِأَقُوهُنَّ هَلْ لِي ضَرَرٌ عَشْرًا يَبْأَنْ،
يَصَعْدُ دَقْفَ آدَهْ أَمَّا؛ رُزْيَرِهِ وَبَأَلِاقُفَ، رُضَعُ لَلِ نَدُّمُ لَانْدَانِي حُجْرَ حَرْخَفَ
يُرَاحُ بَلِ الْإِسْمُ الْهَؤُورُ. مَلِسُو هَلْ لِي صَمْسَاقُ الْآبِ

Абу Шаъсоа розияллоху анхудан ривоят қилинади:

«Абу Ҳурайра розияллоху анху билан масжидда бирга эдик. Муаззин асрга азон айтганидан кейин бир одам чиқиб кетди. Шунда Абу Ҳурайра:

«Аммо мана бу, батаҳқиқ, Абул Қосим соллаллоху алайҳи васалламга осий бўлди», деди».

Бешовларидан фақат Бухорий ривоят қилмаган.

مُتَنُّكَ إِذَا مَلِسُو هَلْ لِي صَمْسَاقُ الْآبِ؛ لِي دُعُوسَ الْمَلِئِكَةِ
دَمْحَ الْهَؤُورِ، يَلِصُّ يَتَحَمُّ كَدْحًا حَرْخَفِي الْفَالِصَّ لَابِي دُونَفَ بِحُسنِ الْمَلِئِكَةِ

Масъудийдан ривоят қилинади:

«Расулуллоҳ соллаллоху алайҳи васаллам:

«Масжидда бўлсаларингиз-у, намозга азон айтилса, бирортангиз ҳам то намозни ўқимагунича чиқмасин», дедилар».

Аҳмад ривоят қилган.

Азон ва иқоманинг шартлари:

1. Вақт кирган бўлиши шарт.
2. Араб тилида бўлиши шарт.
3. Жамоанинг баъзи одамлари эшитиши, ёлғиз ўзи учун айтаётган бўлса, ўзи эшитиши керак.
4. Лафзларни тартиб билан, кетма-кет айтиш лозим.
5. Бир киши айтиши шарт. Азоннинг ярмини бир киши, қолганини бошқа киши айтса бўлмайди.
6. Муаззин мусулмон, оқил, оқ-қорани ажратадиган ва эркак бўлиши шарт.

Аёл киши, мажнун, ёш бола, кофир, маст, хунаса, жунуб, бетаҳорат ва фосиқлар азон айтмайдилар.

Азоннинг суннатлари:

1. Муаззин гўзал овозли бўлиши, баланд овоз билан азон айтиши.
2. Минорада ёки шунга ўхшаш баланд ерда тик туриб азон айтиш.
3. Муаззин хур, балоғатга етган, солиҳ, омонатли ва намознинг вақтини яхши биладиган бўлиши.
4. Муаззин пок ва таҳоратли бўлиши лозим.
5. Муаззин кўзи очиқ киши бўлиши керак.
6. Муаззин икки бармоғини икки қулоғига киритиб азон айтиши лозим.
7. Муаззин азонни шошилмасдан, аниқ ва дона-дона қилиб айтади.
8. Азон ва иқомани қиблага қараб айтади.
9. Азонни савоб учун айтиш керак.

Азоннинг мустаҳаблари:

1. «Ҳайя ғала»ларни айтаётганда юзини ўнгга ва чапга буриш.
2. Азондан кейин, одамлар тўпланиб олгунча, иқомани айтмай туриш. Шом намозида азондан кейин уч қисқа оят тиловат қилгунча вақт турилади, холос.
3. Азон билан иқома орасида «Вақти намоз» ёки «Қомат» каби тасвийб лафзларини айтиб, одамларни яна бир бор огоҳлантириб қўйиш.
4. Муаззин азонни айтиб бўлгунча тингловчилар ўринларидан турмасликлари керак. Чунки азонни эшитиб туриб юришда шайтонга ўхшашлик бор.

Азоннинг макруҳлари:

1. Азоннинг суннатларидан бирини тарк қилиш макруҳ.
2. Азонни оҳангга солиб, чўзиб айтиш макруҳ.
3. Азонни юриб айтиш макруҳ.

4. Муаззинга салом бериш макруҳ.

«Кифоя» китобининг биринчи жузи асосида тайёрланди